

欽
定
鳥
譜

欽定鳥譜第七冊

黑翬天鵞

黑翬天鵞黑睛白臉黑翬頂頰白毛上有淺
蒼赭暈通身白質帶淡蒼黑足掌身似鵞而
大頸甚長而細展翅甚濶其飛極高其毛可
織為絨其油可治瘡肉亦可食本草集解謂

此即鵠按鵠有數種此所謂白鵠也

古今注云天鵠似鵠而大長頸善闢本草綱
目云鵠大于雁羽毛白澤其翔極高而善步
所謂鵠不浴而白是也師曠禽經云鵠鳴皓
皓故謂之鵠湖海江漢間皆有之出遼東者
尤甚而畏海青鵠吳僧贊寧云凡物大者皆

以天名天者大也則天鵞名義蓋亦同此

金頭天鵞

金頭天鵞黑睛黃臉黑鬣黃根頂頰有赭毛
金色隱約通身白質淡蒼邊暈黑足掌

飲膳正要天鵞有四等大金頭鵞似雁而長
項入食為上美于雁小金頭鵞形差小花鵞
色花一種不能鳴鵞飛則翔響其肉微腥並

不及大金頭鵝各有所產之地

紅黻天鵞

紅黻天鵞黑睛黃臉粉紅黻黑根有冠頂頰
白毛上皆有赤暈通身白質帶微蒼黑足掌

白鵞

白鵞黑睛縹暈黃臉黃翮通身純白深黃足掌

本草綱目云白鵞膏臘月鍊收氣味甘微寒無毒主治耳卒聾潤皮膚可合面脂

鳳頭鵞

鳳頭鵞黑睛蒼暈黃臉黃觜頭上有冠高起
目後細黑毛一道通身白色背腹暗蒼紋鱗
次膊上有微黃暈黃足掌亦有花身黑足掌
者

黃杓雁

一名黑
鵞雁

黃杓雁二種一種大者淺黑睛黑鵞白根蒼
頂其項頷微白背翅黑蒼腹毛蒼白相間如
鱗近尾處純白黑尾黃足掌一種小者赤黑
睛黑喙白根頭項背翅俱蒼黃色下翅深黑
毛白尖臆前微白腹毛雜黑紋近尾處純白

蒼黃尾白尖紅足掌

爾雅鳬雁醜其足蹠其踵企䟽云雁陽鳥也
鳬雁之類脚指間有蹠屬相着飛則伸其
脚跟企直也埤雅云雁行斜步側身釋鳥云
飛則脚跟企直非是也踵足後也今鳬雁之
醜行則皆前幕布地後踵企故曰其踵企也

以今鵞觀雁行鴨觀鳬行則槩可見矣禽經
云雁一名翁雞一名鵞鶩一名鷹亦名鵞鶩
以水言又名鵞鶩以山言又舒雁鳴前後和
注舒雁飛成行也雌前呼雄後應也毛詩名
物解云法言曰能來能往者朱鳥之謂與雁
一名朱鳥蟲海錄云飛禽皆屬陽故晝飛鳴

而夜棲息然雁獨夜飛鳴者色黑屬陰從其
類也雁之為鳥古稱為陽實陰也雁生北方
秋自北而南春自南而北蓋歷七政所行以
順其情秋分以後循昴畢參觜之位春分以
後循房心尾箕之位得乎右轉之氣實陰鳥
而稱陽也本草綱目云雁與燕往來相反冬

南翔夏北徂孽育于北也禽經云羣栖獨警
謂夜宿川澤中千百為羣有一雁不瞑以警
衆飛行前後有序故稱兄弟曰雁行

案雁類實繁有以頭胤名者花胤黑頭是也有以
身色名者茶雁白雁是也有以地名者秦雁
是也形皆似鷺大小不一歛雁賓鴻其小者

也此鳥自北而南生育于北故塞外北方皆有之五嶺以南則絕少矣

茶雁

一名紅
翫雁

茶雁一名紅翫雁黑睛紅白眶粉紅色翫頭
頸額俱淺蒼如茶色背膊稍深俱有白莖間
之腹毛稍淺有蒼黑斑近尾處純白下翅純
黑蒼尾白尖粉紅足掌

賓鴻

一名
候雁

賓鴻身比諸雁最小黑睛白眶粉紅翮翮根
深白頂項背翅蒼黑色臆腹蒼白相雜間以
黑節腹後純白蒼尾白尖紅足掌

禽經云雁性隨陽秋賓南而春北爾雅翼云
鴻與雁乃一物詩注乃云大曰鴻小曰雁按

淮南鴻烈云雁乃兩來仲秋鴻雁來季秋候
雁來候雁比于鴻雁而小故說詩推雁為鴻
雁而別以小者為雁其實小者亦可名鴻也
物類考云霜降五日而鴻雁來寒露五日而
候雁來土人亦呼候雁為賓鴻也

歛雁

歛雁赤黑眼黑喙白根蒼頭細頸頷下微白
背翅深蒼臆腹淺蒼腹後純白尾毛蒼白雜
色黃足掌

秦雁

一名駟鵝俗名黑頭雁亦名花鬣雁

秦雁俗名黑頭雁亦名花鬣雁黑睛黑眶黃黑鬣鬣根花白背膊臆腹俱蒼黑色腹後近尾處純白尾邊亦間雜白毛黃足掌

方言雁自關而東謂之駟鵝南楚之外謂之鵞或謂之鵞駟庶物異名疏云秦地之雁甚

大多花鬣黑頭方言所謂駟鵝也

小黑頭雁

小黑頭雁毛色與秦雁相似身形略小觜上
作淺紅深黑二色觜根無白背膊臆腹蒼色
亦深秦雁之小者也

白雁

一名
霜信

白雁赤黑睛淺紅翮通身蒼白淺紅足掌

爾雅翼云白雁似鴻而小色白秋深乃來來
則霜降河北謂之霜信

綠頭鴨

一名鶩 一名家鳬 一名舒鳬 一名鵝鴨

綠頭鴨赤黑睛黃嘴翠綠頭頸項有約素蘆
花膊背翅有翠白黑節翮毛灰色淺黑灰白
三色兩兩相間黑尻尾深赤黑脅臆有細白
毛腹色稍淺有黑紋如水波近尾純白赤黃
足掌

本草綱目云鴨水禽也一名家鳧格物論云
鴨雄者綠頭文翅雌者黃斑色有純黑純白
雜花又有白而烏骨者有冠者皆雄瘖雌鳴
重陽後乃肥膾味美清明後生卵則內縮不
滿伏卵間磐磨之聲則暇而不成無雌抱伏
則以牛屎嫗而出之此皆物理之不可曉者

也治水腫利小便宜用青頭雄鴨取水木生
發之象治虛勞熱毒宜用烏骨白鴨取金水
寒肅之象禮記庶人執匹注匹雙鶩也疏云
家鴨為鶩不能飛翔如庶人守耕稼而已爾
雅舒鳧鶩疏云鶩鴨也一名舒鳧李巡曰野
曰鳧家曰鶩左傳疏云鶩家名也謂之舒者

舒遲也家養不畏人故飛行遲廣雅鴨為鵝
鵝禽經云鴨鳴呶呶其名自呼補禽經云鴨
以怒睨

雌鴨

雌鴨青黑睛黃觜頂項背膊俱淺赭黃色帶
蒼紋目上白毛一道頰旁白毛中斷上下界
以蒼黃領下純白臆前赭黃有細白紋腹下
純白近尾腹毛淺赭純白二色蒼黃翅白翮
蒼白尾黃足掌按鴨之種有通身赭黑色者

有黃斑者白者花色者鳳頭者烏骨者黑者
足者此特其一耳

黑鴨

黑鴨赤黑睛黑鬣鬣根有白毛通身皆深黑
質青暈獨頷下臆前及翮毛純白胷毛上亦
帶白紋黃足掌白爪

黑鬣白鴨

黑鬣白鴨淺黑睛黑鬣通身純白帶淺米色
黑足掌

本草驗方云黑鬣白鴨可治久虛發熱古方
名白鳳膏

黃觔白鴨

黃觔白鴨淺黑睛淡黃觔通身毛純白帶米
色黃足掌米白爪

黑鶩花鴨

黑鶩花鴨黑睛黑鶩蒼頂項背臆腹俱白背
尾蒼白相暈白膊白翅間蒼黑翎紅足黑斑
黑爪其趾間幕皮近爪處不連蹼

鳳頭烏骨鴨

鳳頭烏骨鴨赤黑睛黑鬣頂前白毛一片頂
後淺白冠毛一茸黑頭頸頸上有白毛背腹
灰白質蒼黑暈黑膊短黑翅背腹近尾細毛
俱深黑色黑尾淺黑足掌米黃爪

本草發明云烏骨鴨治虛勞白毛者尤佳

洋鴨

洋鴨雄者黑睛黃重暈米紅觜觜根目旁皆
紅皮環抱鼻上紅肉下垂頭黑白花色頸項
臆腹純白膊翅黑白相間青黑尾蓋尾有白
羽黃足掌米黃爪雌者黑睛黃暈觜短而潤
上黑下紅白其鼻上紅肉不垂純黑頂黑白

花頰頸項翅腹毛色與雄者略同尾稍狹長
有二白羽蓋尾近尾腹毛黑白相間青黃足

掌黃爪

冠鴨

一名寶鴨 一名鶩
鶩鴨 一名琵琶鴨

冠鴨黑睛紅翬翬根連頂處有紅圓骨如彈
丸高起黑頭黑項臆前純白臆下赭黃毛一
節環至頸背背上白毳紛披緣肩處界以黑
毛其下垂數白翎分夾兩翅白膊黑翮翅根
赤綠二色白尾黑尖紅足掌

粵志云寶鴨似鳬而小頭有紅冠身備文采
如鴛鴦故亦名鴛鴦鴨又以其觜形如琵琶
昭君又名琵琶鴨漁歌有云琵琶洲上琵琶
鴨一樣鴛鴦兩樣看謂此鳥也

小冠鴨

小冠鴨黑睛黑綠暈黃觜喙尖黑色觜根近
頂有骨高起如冠頭項黑綠色項下喙前白
毛一節背上赭黃毛鱗次接以純白近膊處
蒼黑毛白膊黑翅翅根短翎黑綠深赤二色
蒼赭臆白腹近足毛帶黑近尾有赭毛白尾

黑尖米紅足掌此種張家口外鹽池內極多
冠鴨之小者也

野鴨

一名鳬一名冠鳬一名水鴨一名野鶩一名少卿

野鴨雄者黑睛赤黑暈赭黃臉黑翦蒼頂赭土紋目上白毛一道雜蒼點眼後蒼綠雜毛一片皆環至頷下如鈎兩頰土黃毛帶細黑點目下界以黑毛一道黑頷有白點青赤項黑紋如波臆前淺蒼赭色有蒼圓點背膊深

蒼赭色左右各有赤黑尖毛數根翅根短毛
分赭綠黑白四節蒼黑翮蒼黃尾青白腹近
尾處有青灰波紋赤黃足掌雌者黑睛赤黃
鬣淺黑頂自項臆至腹俱蒼斑毛背毛蒼黑
邊帶土黃膊翅淺黑翅根毛間以青白二色
蒼尾赤黃足掌

漢書揚雄傳注云鳬水鳥即今之野鴨禽經
鳬鶩之雜注云鳬鶩鴨屬色不純正故曰雜
也爾雅䟽陸璣云鳬大小如鴨青色卑脚短
喙水鳥之謹愿者也本草綱目云鳬野鶩鳬
從几短羽高飛貌方言注云今江東呼鳬為
冠鳬冠者盛多也常以二三月間集于水濱

其多無數其飛高入雲表粵志云野鴨重陽以後立春以前取可食益人一名水鴨採蘭雜志云鳬一名少卿

案野鴨一類而形狀各別稱名亦殊其蒼頂黃頰身有赭綠黑白色者為野鴨其綠頭短喙紅掌身與家鴨相似者名蒲鴨濶觜白睛黑足

者名黑脚鴨頭上有垂絲而黑足者名鳳頭
黑脚鴨身小觜短而毛雜色者名泥跼踏身
有細花紋者名羅紋鴨尖觜大身而雜色者
名馬鴨身小者名魚鴨有冠者名鳳頭魚鴨
小而善沒水足近尾不能飛行者曰油葫蘆
足近尾觜尖而身長者名落河善沒水足不

近尾亦能飛行者曰刁鴨大鶩長身鼓翅有
聲者曰皮葫蘆皆鳬屬也其雌雄又有別北
方水淀中脩有之諸種形狀毛色分見于後

麻鴨

麻鴨黑睛黃暈目前後白毛尖出黑翫黃喙
淺黑頭項赭白領臆背毛黑質淺赭邊紋肩
上藕灰毛一節兩膊有長濶翎兼蒼白二色
翅根青綠短毛上下接以黑白二色蒼翮尾
近尾腹毛黑色紅足掌其蛋味寂美

羅紋鴨

一名文鴨

羅紋鴨黑睛黑翫黑領眼下有白毛如仰月
形眼旁至項綠毛一片外界以紅褐色淺黃
臆帶蒼圓斑背腹蒼碧相間如水波紋蒼膊
膊下間有白毛蒼黑翅翅根毛有翠綠一節
背上近尾處黑毛旋繞尾短而尖黑黃相次

青紅足掌

紫羅紋鴨有數種皆鳬屬也大小不一其紋或作
魚鱗或作水波或作升底其翅毛有綠色者
謂之綠翅羅紋頭上有冠者謂之鳳頭羅紋
尾尖而長者謂之尖尾羅紋背毛帶褐色者
謂之沙背羅紋頭色赤褐者謂之糠頭羅紋

其實一類也各隨其狀而名之金樓子總謂
之文鴨

鳳頭羅紋鴨

鳳頭羅紋鴨黑睛白眶黑翫紅褐頭頂後茸
碧毛覆項白頸中環黑道背臆白毛黑紋鱗
次膊毛淺褐色灰黑翅兩翮有黑翎數根其
長蓋尾尾短而黑白末腹淺白帶蒼文青足
掌

欽定鳥譜第八冊

尖尾羅紋鴨

尖尾羅紋鴨蒼斑頂蒼赤頰淺黑睛紫無青
黑二色頸下白毛一道透于項上臆腹淺白
背毛及近足腹毛俱蒼黑羅紋背上近翅長
尖毛黑心灰白邊深灰膊蒼黑翅翅根毛淺

黃慘綠黑白數色相次黑尾尾尖而稍長近
尾毛雜灰黑色淺青足掌此種北方最多每
春初冰泮時千萬成羣下集湖渚飛則高入
雲表羽毛雖有可觀肉味不甚美也

沙背羅紋鴨

沙背羅紋鴨紅睛黑觜喙上一節淺碧色頭
頸赤黑項下至臆紺黑背上翅下紅灰色帶
細蒼紋淺灰膊蒼黑翅黑尾淺黑足掌

糠頭羅紋鴨

糠頭羅紋鴨黑睛黑翬頭上赤黃色頸色稍
淺有文如鱗背毛灰色帶蒼黑花紋膊毛淺
白色蒼翅黑根腹下淺白淺黑足掌

馬鴨

一名烏鶻
一名青鶻

馬鴨似鳬而大殷紅鬣勾吻黑睛綠首黑背
花翅白項米黃腹青尾其足蹼鮮紅色俗呼
馬鴨說文云馬犬也

爾雅鴈鳥鶻注云水鳥似鴈短頸腹翅雜白
色背綠黑江東呼烏鶻庶物異名考魚鴨有

一種勾觜綠頭頭大而項短背翅黑白文相

間名青鷁

音義同
亦作鷁

爾雅謂之烏鷁唐李羣玉

青鷁詩云須知毛色異莫入鷺鷥叢即此鳥
劉楨魯都賦又謂之綠鷁也

魚鴨

魚鴨赤黑睛青白鬣兩頰深黑帶青斑純白
頂頂後黑毛一片頸臆俱白有細赤點背膊
黑色青紋鱗次膊上間白毛兩道黑翅根毛
白尖近膊短翎分蒼黑青白二色黑尾白腹
近足處縹紋如波青足掌

鳳頭魚鴨

鳳頭魚鴨身如鴨頭甚大紅褐色頂有茸毛
矗起如冠青睛紅鬣尖勾喙白頷項背膊翅
尾俱深灰色翅根有白毛一節臆腹淺白紅
足掌

鳳頭黑脚鴨

一名翁鳧

鳳頭黑脚鴨雄者黃白目暈青灰黻黻尖有
黑點頭頸俱黑頂有黑毛如綏長短不齊參
差下向臆毛白質黑文鱗次腹下純白背毛
黑色帶赤翅根毛間黑白二色翅尾俱赤黑
色黑足掌雌者深黃目暈縹青黻黑黻尖黑

頭頭項細長頂上垂毛亦短少頸至臆赤黑
色背膊翅尾皆黑色帶赤翅根短毛間露白
節腹毛帶赤白淺黑足掌

黑脚鴨

黑脚鴨縹白目暈青白翮黑頭綠頸赤臆白
腹背膊翅俱赤黑色翅間以白黑節近足腹
毛黃褐色黑黃尾白裏黑足掌

蒲鴨

蒲鴨黑睛赤黑暈目下白毛一灣黃黻黑的
頭項黑色帶綠紋暈項下白毛如環醬赤臆
蒼赭背近膊左右長毛覆背灰白色細蒼波
紋間有醬赤毛近尾背毛青黑色灰紅膊深
青翅上下毛末分黑白二節蒼黑翮灰白腹

細蒼波紋紅足掌

鴛鴦

一名匹鳥梵
婆羅伽鄰提

鴛鴦雄者黑睛白眶紅鬣綠頂頂後青赤纓
毛覆項土黃面頰接以白毛間以綠毛赤黃
頷頸紫臆脅前短毛黑白相比蒼綠背膊膊
上翠毛數莖黑白為邊左右兩旁各有一夾
翅向上形如船舵杏黃色翠裏白卷翅毛陽

白陰蒼黑綠尾黃白腹有黑紋如波紅足掌
雌者身無五采黑睛黑翫蒼灰頭項白領蒼
黑背尾兩膊下無夾翅翅上間有翠節腹下
蒼毛淺深鱗次蒼足掌

禽經鴛鴦愛其類注云鴛鴦匹鳥也朝奇而
暮偶通典注云鴛鴦飛止須匹鳴則相和雄

鳴曰鴛雌鳴曰鴛崔豹古今注云鴛鴦雄雌
不相離人獲其一則一相思而不食故謂之
匹鳥本草集義云鴛鴦鳬類也終日並遊有
宛在水中央之意故名南北湖溪中皆有之
棲于土穴中大如小鴨體有文彩綠頭翠鬣
長纓紅掌交頸而卧其交不再湮盪經謂之

婆羅伽鄰提

鷓鴣

一名紫
駕鴛

鷓鴣黑睛縹白眶至目後尖出粉紅翫帶微
蒼色黑綠頭項縹白頷赭黑背膊翅根短毛
分青白兩節黑翅蒼尾臆前脅下俱蒼色毛
間微白斑黃足粉紅爪趾間幕皮淺黑色
劉逵吳都賦注云鷓鴣水鳥也色黃赤有斑

文江東諸郡皆有之圖經云鷓鴣于水渚宿
老少若有勅令雄者左雌者右羣伍皆有式
度續博物志云鷓鴣能勅水故宿水而物莫
能害臨海異物志云鷓鴣毛有五色食短狐
其在溪中無復毒氣本草綱目云鷓鴣大于
鴛鴦而色多紫亦好並游故謂之紫鴛鴦

黃鴨一名黃
駕鴛

黃鴨赤睛黑翫雄者白頂黃頷黃頰頂有短
纓深杏黃背腹背毛有細蒼點白膊翠綠翅
黑翎黑尾黑足掌雌者赤睛黑翫白頂無纓
白頰白頷粉黃頸項杏黃背腹比雄者色略
淺膊上白毛亦多于雄翅尾足掌與雄者同

政和本草以此鳥情性亦貞而有別故以黃
鴨附于鴛鴦之內李時珍乃謂黃鴨即鴛鴦
之別名誤矣

庶物考云黃鴨一名黃鴛鴦

土鴛鴦

土鴛鴦黑睛黑翫黑頂黃斑頂下有白毛一道如線目旁黑毛連頷黑毛左右各有土黃毛一片白邊如畫綠頸灰項項上亦有白毛一道如環胸臆蒼灰質有蒼赤圓點星列如蝦蟇背青灰膊膊旁有橫白毛一片連胸背

毛青赤有土黃長毛離披覆背左右各有三
長毛斜出其色黃黑白相界而成截然不亂
翅毛赭綠黑白四色蒼黃翮青灰腹有羅紋
近尾處赤黃色有白毛橫絕蒼黃尾黑裏蒼
綠足掌北方人亦呼為鴛鴦其實泥跼跼也
故有土稱

泥跂踏

一名泥鴨
一名蜺鴨

泥跂踏鳬之小者也雄者黃睛黑短翮白頰
頭頂黑綠色頸至臆腹純白背翅深黑膊毛
黑白相間淺黑尾淺黃足掌雌者淺黑翮淺
黑眼頭項微黑帶細黑斑兩頰至喙臆俱土
色帶蒼斑背毛淺黑帶黃背下近尾處黑灰

色膊翅尾俱淺黑色腹下蒼灰雜色腹後近
尾毛淺灰雜蒼色淺黑足掌

粵志云野鳧有一種身稍小色雜青白背上
頗有文短喙卑脚性肥而耐寒常入泥水中
取蜆螺食之土人名泥鴨亦名蜆鴨

落河

落河似鳧而長身細頸青尖鬣赤目蒼頂頂
有茸毛項頷頰白帶赤黃頷下有蒼毛一節
臆前至腹俱純白背翅青黑膊上下間白毛
黑綠足四歧皆蹼而不相連圓爪雙足近尾
不能步行陸棲亦不能離水而飛如落于河

然故名即爾雅之所謂頭鵠也。

爾雅鰭頭鵠注云似鳧脚近尾略不能行江
東謂之魚鵠疏云鰭一名頭鵠山海經鰭狀
如鳧青身朱目

皮葫蘆

一名
鵲蹄

皮葫蘆身如鴨而小雄者黃目暈黑瞳褊黑
翦潤喙喙有圓的黑頭項白臆紫腹青黑背
近翅根處有長尖翎青黑邊白莖膊毛天藍
色上下白毛相間上翅黑綠下翅赤黑色紅
足掌雌者翦目俱赤頭頸蒼斑背翅蒼黑無

長翎膊毛間青蒼白三色腹下蒼毛帶土黃
殷紅足掌鷺鶻之大者也飛則急扇其羽聲
如橐籥故得葫蘆之稱

方言鷺鶻之大者謂之鶻蹄

油葫蘆

一名鴛鴦 一名須羸
一名水鴛 一名鷓鴣頂

油葫蘆黑睛淺黃暈青黑翫吻根黃頭項背
翅皆蒼褐色領腹蒼赭色胸臆間有灰色橫
紋青黑足掌其脰及尾不能陸行常沉浮水

中

爾雅鷓鴣須羸注鷓鴣鷓鴣似鳬而小疏云鷓一

名須羸本草綱目云鷺鷥一名水鷺一名鷺
頂皆狀其小也俗名油葫蘆油者言其肥葫
蘆者言其泛泛水中也衍義曰鷺鷥脚連尾
不能陸行常在水中人至即沉或擊之便起
其膏塗刀劍不繡

水葫蘆

水葫蘆黑睛蒼暈白眶黃翫黑黃頭頂蒼白
頸頷蒼褐背翅臆腹純白足近尾不能陸行
趾間皮不連蹼黑色常浮沒水中比油葫蘆
而小身皆茸毛出福建海邊

翠雲鳥

翠雲鳥黑睛赤黑暈殷紅巨翬頂有殷紅皮
連翬蒼白頰頷自頸以下通身翠黑色項背
臆腹有翠青毛高足脰青紅色青紅趾極長
如人指三節水鳥也

鵲

一名鵲鵲一名鵲雀一名皂帟亦名皂帔一名老鵲一名瓦亭仙

白鵲黑睛黃白暈紅頰黑長嘴吻根鮮紅頭頸背腹俱白黑翅翮蓋尾殷紅足脰甚高趾爪似雞根有連皮身高二尺餘昂頭高三尺張翼廣幾三尺

陸璣詩疏云鵲鵲雀也似鴻而大長頸赤喙

白身黑尾翅樹上作巢大如車輪卵如三升
杯一名負釜一名黑尻一名背竈一名皂帚
鶴經云鶴陸馬也而生涯于水綠翬修頸鵠
首黑翅赤脚皂帔胸釜背竈短尾高足類鶴
而頂不丹不善唳相戛而鳴鳴則及頸擊啄
其鳴轉搖其頸如砧杵聲北方謂之老鶴南

方通語曰翟亦曰烏童鸛河南謂曰翟兒陳
魏之間亦曰皂帔自關而西謂之冠雀天旱
則羣飛作陣故詩考又名旱羣名醫別錄注
云鸛之似鵠而巢樹者為白鸛黑色曲頸者
為烏鸛清異錄云鸛多在殿閣鵠尾及人家
屋獸結窠故或有呼瓦亭仙者禽經云鸛仰

鳴晴俯鳴陰雄鳴晴雌鳴陰

黑鵲

黑鵲黑睛亦黑暈紅長翮赤頰連于翮根頭
項頸臆背翅俱沉黑色腹下純白鮮紅足脰
面帶青黑色趾跟亦有連皮身略小于白者

鷓鴣

鷓鴣黑睛黃暈淺黑翫翫半鼻孔明透自鼻
以上淡紅色連頂頰頂雜細黑毛頰下黑毛
彎環如界頭頸背腹純白短黑翮戢翼時背
毛蓋之于旁側間露一二黑翎紅足脰面帶
黑黑爪趾根有幕皮鷓類也身與白鷓相等

鵠鵠

一名扶老

鵠鵠黑睛青白暈白眶長巨黃鬣長項頭頸
無毛皮有蒼斑項上細毛一道稀疎如老人
禿髮咽下亦有胡袋黑背黑膊蒼翅黑翮翅
翮皆極濶黑尾蒼白臆黑斑白腹足甚高米
紅色帶綠皮起龜文趾根有連皮黑爪鵠之

大者也

禽經扶老強力注云扶老禿鶩也狀如鶴大者高四五尺好啗蛇埤雅禿鶩狀如鶴而大毛詩名物疏云鶩性貪惡長頸赤目其毛辟水毒本草綱目云禿鶩水鳥之大者出大湖泊處青蒼色張翼廣五六尺舉頭高六七尺

頭項皆無毛喙深黃色而扁直長尺餘其喙
下亦有胡袋如鷓鴣狀其足爪如雞黑色一
名扶老凡鳥至秋毛脫禿此鳥頭禿如秋毳
又如老人頭童及扶杖之狀故得諸名飲膳
正要云鷺有大小其最大者名禿鷺味惡不
可食其小者有蒼鷺有花鷺有白鷺皆可食

麥黃鶩

一名蒼鶩

麥黃鶩形如鸛綠睛黃頰喙下有胡袋如鸛
鵠狀尖喙長五六寸微曲薑黃色鬣根連頂
處黃赤無毛頸背灰紅色膊灰黑色翅黑綠
色黑尾近尾長毛帶白臆腹淺灰色足高尺
餘上脰微紅帶綠下脰青紅色爪根有連皮

飲膳正要云蒼鶩麥熟時多棲止田間故又
名麥黃鶩

花鷺

花鷺黑綠睛長觜勾喙蒼黃色黃頂黃頰黃
頷頭項毛淺白帶蒼白背蒼黑胸黑花膊膊
下淺白黑翅其近背尾處白毛帶鮮紅色如
染黑尾青紅足

江鷗

一名閑客
一名江鷗

江鷗身如白鴿尖喙深紅色黑睛有黃白重
眶白頭白腹頂有淺蒼文背膊皆青灰色黑
翅翎翎有小白點足小而蹼脰長而瘦深紅
色

談苑云李昉以江鷗為閑客本草綱目云在

金天由諸葛并

江曰江鷗江夏人訛為江鵞也

完

海鷗

一名漚 一名信鳥 一名信鳬 一名水鷗

海鷗身如小白雞青睛黃眶細喙黃赤色白頂白項項有細蒼紋白腹背及膊皆青灰色黑翅翅尖有白毛白尾足短而蹼米紅色

禽經云鷗信鳥也信不知用注云鷗鳥隨潮而翔不失其時故曰信鷗食小魚蝦蜆之屬

潮至則翔水嚮以為信反為驚鳥所擊是知
信而不知所以自害也南越志云鷗者浮水
上輕漾如漚也水鷗者形似也在海曰海鷗
埤雅云鳬好沒鷗好浮列子謂之漚鳥今字
從鳥後人加之也本草綱目云海鷗隨潮往
來人謂之信鳬